

Mural Jalur Gemilang Terpanjang Dicat Semula Sempena Merdeka
MStar Online
31 Ogos 2015

GEORGE TOWN: Lukisan dinding Jalur Gemilang terpanjang di Jalan Tanjung Tokong-Tanjung Bungah di sini dicat semula sempena sambutan Hari Kebangsaan ke-58.

Kira-kira 300 ahli Kelab Sukan Belia Islam (YMSC) dan persatuan lain termasuk penduduk setempat mula mengecat lukisan dinding itu pada pukul 10.30 pagi Ahad, sebelum ia siap sepenuhnya enam jam kemudian.

Lukisan sepanjang 541 meter dengan ketinggian 3.3 meter itu masih mengekalkan rekod sejak September 2003.

Presiden YMSC, Munower Sadiq Kadir Sultan berkata, ia dicetuskan ahli kelab itu yang berusia 20 tahun.

"Bendera Pulau Pinang sepanjang 350 meter turut dilukis bersebelahan Jalur Gemilang pada 2007," katanya.

Beliau berkata, 300 sukarelawan dipecahkan kepada 15 kumpulan untuk menyiapkan lukisan dinding itu.

"Kami mendapat tajaan RM50,000 pelbagai warna cat mencecah 3,000 liter dan berus," katanya.

Ketua Menteri, Lim Guan Eng yang turut hadir menyumbang sebanyak RM12,000 untuk projek berkenaan.

Tags / Kata Kunci:

Jalur Gemilang , YMSC

Hakcipta Terpelihara © 2015 Star Media Group Berhad (ROC 10894D)

Source: <http://www.mstar.com.my/berita/berita-semasa/2015/08/31/mural-jalur-gemilang/>